



日本外史拾遺

九

共十三

特別
95
6978
9



門 5
號 6978
卷 9

日本外史拾遺卷九



江都岡部英晚香

日本年號

日本 據鍾淵映紀元類聚考所引東國通鑑及梁諫庵元

繼體 第二十七代始建年號 舊稱號下皆有天皇字概削之 善化 正和 發口

宣化 二十九代 僧聽

欽明 三十代 同安 貴樂 結清 兄弟 藏和 師安 和

僧 金光

敏達 三十一代 賢接 鏡當 勝照

昭和二十九年
五月十日
購求

崇峻 三十三代 端政

推古 三十四代 從貴 頌轉 光元 定居 倭京 仁至

舒明 三十五代 聖德 僧要 命長

以上据類聚考以下据廣記

孝德 三十七代 唐貞觀十九年立 大化 五 白雉 五 常邑 鍾有此無大化類聚又作唐邑

齊明 三十九代 永徽六年立不改元

天智 三十九代 龍朔二年立不改元

天武 四十代 咸亨三年立 白鳳 十四 朱雀 一〇

持統 四十一代 垂拱三年立不改元 朱鳥 太和 鍾有此二號

文武 四十二代 神功元年立前四年不改元 大寶 三 唐久雲 四

元明 四十三代 景龍二年立 和銅 七

元正 四十四代 開元三年立 靈龜 二 養老 七

聖武 四十五代 開元十二年立 神龜 五〇 東鑑作白龜 宋史作寶龜 天平 二十

孝謙 四十六代 天寶八年立 勝寶 八〇 一作勝寶 一作太平勝寶 寶字 二〇 一作太平寶字

廢帝 四十七代 乾元二年立不改元

稱德 四十八代 承和元年立 神護 二 景雲 三

光仁 四十九代 大寶龜 十一 天應 八

桓武 五十代 建中三年立 延曆 二十四

平城 五十一代元 大同 四

嵯峨 五十二代元 宏仁 十四

淳和 五十三代長 天長 十

仁明 五十四代大 承和 十四 嘉祥 三

文德 五十五代大 仁壽 三 齊衡 三 天安 三

清和 五十六代大 貞觀 十八

陽成 五十七代乾 元慶 八

光孝 五十八代光 仁和 四

宇多 五十九代龍 寬平 九

醍醐 六十代光 昌泰 三 延喜 二十二 延長 八

朱雀 六十一代長 承平 七 天慶 九

村上 六十二代漢仍稱 天曆 十 天德 四 應和 三 康保 四

冷泉 六十三代開 安和 二

圓融 六十四代開 天祿 三 天延 三 貞元 二 天元 五 永觀 二

花山 六十五代雍 寬和 二

一條 六十六代雍 永延 二 永祚 二 正歷 五 長德 四 長保 五 寬宏 八

三條 六十七代祥 長和 五

後一條 六十八代天 寬仁 四 治安 三 萬壽 四 長元 九

後朱雀 六十九代景 長曆 三 長久 四 寬德 二

後冷泉 七十代度 永承 七 天喜 五 康平 七 治曆 四

後三條 七十一代熙 延久 五

白河 七十二代熙 承保 三 承曆 四 永保 三 應德 三

堀川 七十三代元 寬治 七 嘉保 二 永長 一 承德 二 康和 五 長治

嘉承 二

鳥羽 七十四代大 天仁 二 天永 三 永久 五 元永 二 保安 四

崇德 七十五代宣 天治 二 大治 五 天承 一 長承 三 保延 六 永治

一

近衛 七十六代紹 康治 二 天養 一 久安 六 仁平 三 久壽 二

後白河 七十七代紹 興 二 保元 三

二條 七十八代紹 興 二 平治 一 永曆 一 應保 二〇玉海 長寬 二 永

萬 一

六條 七十九代乾 道 二 仁安 三

高倉 八十代乾 嘉應 二 承安 四 安元 二 治承 四〇癸辛禊志

安德 八十一代淳 養和 一 壽永 二〇東鑑

後鳥羽 八十二代淳 元應 一 文治 五 建久 九

上御門八十三代慶元五年立 正治二 建仁三 元久二 建永一 承元四

順德八十四代嘉定四年立 建歷二 建保六 承久三

後堀川八十五代嘉定十五年立 貞應二 元仁一 嘉祿二 安貞二 寬喜三 貞

永一

四條八十六代紹定六年立 天福一 文歷一 嘉禎三〇 鍾三〇 嘉負作嘉負 歷仁一〇 鍾一〇 延應

仁治一

後嵯峨八十七代淳祐三年立 寬元四

後深草八十八代淳祐七年立 寶治二 建長七 康元一 正喜二〇 鍾二〇 正元作正嘉

龜山八十九代景定元年立 文應一 宏長三 文永十一

後宇多九十代德祐元年立 建治三 宏安十

伏見九十一代至元二十五年立 正應五 永仁六

後伏見九十二代大德三年立 正安三

後三條九十三代號重七十一代大德六年立 乾元一 嘉元三 德治二

花園九十四代至大元年立 延慶三 應長一 正和五 文保二

後醍醐九十五代延祐六年立 元應二 元亨三 正中二 嘉歷三 元德二 元

宏一

光嚴九十六代至順三年立 正慶二 建武二 延元二

光明 九十七代至 元四年立 歷應 四 康永 三 貞和 五

崇光 九十八代至 正十年立 觀應 二

後光嚴 九十九代至 正十二年立 文和 四 延文 五 康安 一 貞治 六 應安 四

後圓融 一百代 洪武五年立 前三年不改元 永和 四 康應 二 永德 三

後小松 一百一代 洪武十七年立 至德 三 佳慶 二 康應 一 明德 四 應永 十九

稱光 一百二代 永樂十一年立 前十五年不改元 正長 一

後花園 一百三代 宣德四年立 永享 二 嘉吉 三 文安 五 寶德 三 享德 三 康正

長祿 三 寬正 六

後上御門 一百四代 成化二年立 文正 一 應仁 二 文明 八 長享 二 延德 三 明

應九

後桓原 百五代 宏治十四年立 文龜 三 永正 十七 鍾 〇 大永 七

後奈良 百六代 嘉靖七年立 享祿 四 天文 二十 宏治 三

正親町 百七代 嘉靖三十七年立 永祿 二十 元龜 三 天正 十四 〇 一 作天政

後陽成 百八代 方曆十五年立 前五年不改元 文祿 四 慶長 十六

後水尾 百九代 方曆四十年立 前三年不改元 元和 九 寬永 六

明正 百十代 崇禎三年立 不改元 義明 本年號寬永後國主卒女主仍其號 女主之子始改義明梨洲親至日本當非無據而廣記無之

後光明 百十一代 〇國朝順治元年立 正保 四 慶安 四 承應 三

後西院百十二代順治十二年立明曆三萬治三寬文二

靈元百十三代康熙二年立前十年不改元延寶八天和三貞享四〇韻覽作貞亨

東山百十四代康熙二十七年立元祿六寶永七

中御門百十五代康熙五十年立正德五享保二

櫻町院百十六代乾隆五年立元文五寬保三延享四

桃園院百十七代乾隆十三年立寬延三寶曆一

仙洞御所百十八代乾隆三十七年立前二年不改元明和八

後桃園院百十九代乾隆三十七年立安永九

今國王百二十代乾隆四十六年立天明八寬政十享和三文化四其元四其元四其元四

十年

建德二文中三天授六宏知三元中九〇廣記于明洪武三

列朱字有此五號注云南朝五十五年終于九年南北朝合未知何國之號

又玉海有永然宋史有乾文紀元類聚考有貞運建

壽皆不見於廣記或傳寫有訛舛也已上俱紀元編卷上

紀元編韻補

紀元編韻補

此刻既成始得梁曜北元號略校之僭竊禳記錢文諸號多七十餘日本年號多至百餘隨依次改補而編韻

不能盡增故補著之著前此紀元所無者重號從略

中正日本後醍醐文中元中俱日本廣紀附見

通元通錢文

隆元隆錢文

聰平聰錢文

銅和銅日本元明

容涌容龍池石記

知弘知廣記附見

龜文龜日本後元龜親町日本正

虛清虛道經

仙臺錢文

仁天仁日本鳥羽永仁日本伏見應仁日本上御門

珍海珍俳諧文

文延文日本後光嚴天文日本後奈良寬文日本後西院

雲慶雲日本文武

元長元日本後一條延元日本光嚴

安治安日本後一條康安俱日本應安俱日本慶安日本後光嚴

延天延日本圓融

圓金圓錢文

和仁日本應和日本村文和日本後享和日本廣和錢文

光清陝西妖賊胡守龍

康安錢文康

長永日本長正日本長稱日本

祥嘉日本祥仁日本

平寬日本平初錢文

衡齊日本衡文日本

亨永日本後亨長日本後亨上御門

興義興明太子慈娘訛傳

承永日本後承天日本承崇日本承長日本承德

喜延日本喜正日本後喜深日本

武彖明岷王義武明張定武明福王光武錢文

寶延日本寶靈日本

保長日本保嘉日本保文日本保正日本保保日本保保日本

享貞日本享延日本享町日本

養天日本養近日本

永天日本永應日本永小日本永大日本永相日本永寶日本永東日本

久長久 日本後
朱雀

宋祥宋 錢文

統文統 錢文

治長治 日本
堀川 天治 日本
鳥羽 康治 日本
近衛 寶治 日本後
深草 德治 日本後
三條 萬治

日本後
西院

利萬利 湖北賊
黎樹 堅利 錢文

字寶字 日本
孝謙

祚永祚 日本
一條

護神護 日本
代標

鎮天鎮 錢文

順元順 錢文

運天運 明張
普薇

觀妙觀 明張
普薇 永觀 日本
圓融

化大化 日本
孝德 文化 日本

正康正 俱日本
後花園 文正 日本
上御門 永正 日本
租原

令天令 明張獻
忠不用

慶正慶 日本
光嚴 佳慶 日本
小松 元慶 錢文

定文定 錢文 明定 錢文 宣定 錢文

應天應日本嘉應日本元應日本後應日本承應日本康

應日本小松

壽萬壽日本後

祿長祿日本後亨祿日本後永祿日本正元祿日本

朔正朔元趙普勝

吉嘉吉日本後花園

厯造厯明張治厯日本後承厯日本融明厯日本後西院

德寬德日本後應德日本承德日本堀川寶德日本亨德日本後延德日本

後上御門元德錢文

四字

承華普慶 重華萬壽皆錢

已上俱紀元編卷末

嘉靖季倭熾吳越間

按狀公諱君南字南仲里人稱為仲公為人開達志意自
喜郵兵間多傳其事嘗呵尉下騎令無以昏夜收辱
孝子贖唐太史臯遺宅祠臯是亦氣決者能耳余獨
喜其不就督府幕下告身官一事嘉靖季倭熾吳越
間胡公宗憲督諸路兵治倭開府于越徵時權重能
是貴富人而汀州公里威也南仲方賈吳幾中倭脫身

以兌伏崖壁觀倭跳梁狀曰此易与耳時真州守帥盧
鏜故習兵未知名而里人子羅文龍有機知亦流落無
所用仲公獨奇此兩人為言于汀州公致諸督府果以其
策破走倭進鏜元戎而文龍參帷幕謂汀州公曰二人
微公子不及此吾且以魏無知之賞為公子官仲公聞之笑
曰彼以我為真賈者耶去兵走真州不受

玉茗堂文集卷
七處士潘仲公

暨配吳孺人
合葬誌銘

答劉中允

得手教知益凝慎以重視輕靜視躁如涼中人視熱境也

倭事遂少信臣可怪可懼禁庭頗牧為竟如何若倭遂
有朝鮮亦似元昊在西天必不使北胡有人以輕中國

玉茗
堂尺

牘卷二

贈總督浙東遊兵艾君序

浙以東倭奴出沒而定海實當其衝故事設都指揮以備
倭名世平俗玩寇為穴數比年倭奴內犯所在戒嚴時
議增置水陸諸兵以司控禦乃改為遊兵都指揮仍駐定
海金盤昌國臨觀及定海五總咸聽節制臂連願指屹
然為一重鎮意蓋宏遠矣第任者徃々失職於是巡撫

都御史趙公巡按御史黃公廉知艾君才疏薦晉今官職
雖如舊而寄昇加嚴重矣當是時艾君方協總寧波團
操陸兵兼理海道中軍即其前後督戰崎頭韭山太倉
仙居馬蹟舟山袁村諸路水陸大小二十七捷計敵者二百
三十二俘者一百九奪回被擄者二十七獲舟十器五百有奇
院道交旌上聞錫銀幣者再聲奕奕兩浙間既得報士校
莫不色喜而又惜君之行有曰艾君家故將種結髮與倭奴
戰蓋十有七年協總團操亦且八年昂其勞勩上當為
總戎下亦不失為參游今僅若後未者固居其上謂足

以酬之乎余曰不然器鉅者無速售積厚者無薄發夫湛
盧純鈞天下之利劍也非久鍊則必不能陸剗凡豹水斷
蛟螭豫章天下之巨材也非久蓄則必不能昂霄蔽日效
清廟明堂之用惟士亦然沖晦所以養望敦篤所以致遠
行且陟華履要顧何從而疑之語者曰有是哉然職亦難
率前內舍外陸兵三千人水兵僅可三之一責任雖殷事權
固輕五總皆以都指揮行宰相顧顧孰得而節制之艾
君亦且柰何余曰是所謂計細節而昧大軀也志士不擇地
而安負臣不易慮而動故能翼其助社稷顯有令聞夫既

世享祿秩存被叙用則夫殫心僇力矢以身殉平居則折衝
尊俎應敵則摧陷堅陣將築京觀勒鼎常以報曠
達之遇固艾君素所緼抱也若夫節制之典止論事
任而不計品秩團營諸邊法較然在艾君將共命行事
諸總稔所推讓安知不率屬聽令共樹廊清之勲以
彰統御之善哉夫若是也何有語者乃避席而作曰
鄙人懵不習事乃今知聖上之所以待艾君與艾君之所
以自行矣敢不拜嘉於是徐子一鯁等屬與聯事以
贈文請而王君承恩又代厥職次第勞勩為甚詳予

嘗獲好於君故不辭而為之序

天一閣集
卷十九

哭兩湖制府畢秋帆先生

武緯文經罔不宜三湘兩陝樹旌旗韋臯未上平蠻嶺羊

祜空留墮淚碑狀貌單于驚漢相

北史七尺之身不如一尺
之面一尺之面不如一寸

之眼公兼
而有之

文章倭國乞蕭師如何袖却調羔羊不待君王

枚卜時

小倉山房詩
集卷三十七

五行大義五卷提要

隋蕭吉撰吉字文休梁武帝兄江陵陷遂歸于周為儀
同及隋受禪進上儀同煬帝嗣位拜太府少卿加位開府

事迹具隋書藝術傳是編日本人用活字板擺印前有
自序稱博采經緯搜窮簡牒畧談大義凡二十四段
別而分之合四十四段二十四者節數之氣總四十者五行之成
數云云考隋書經籍志唐書藝文志均未著錄本傳
述吉所著書亦無是冊然史稱吉博學多聞精陰陽
算術今觀其書文義質樸徵引識緯諸籍有條不紊
且多佚亡之祕笈尤非隋唐以後所能偽為也

阮元研經室外集卷

君羊書治要五十卷提要

唐魏徵等奉敕撰徵字元成魏州曲城人官至太子太師
謚文貞事蹟具唐書本傳案宋王溥唐會要云貞觀五
年九月二十七日祕書監魏徵撰君羊書治要上之又云太宗欲
覽前王得失爰自六經訖于諸子上始五帝下盡晉年書
成諸王各賜一本又唐書蕭德言傳云太宗詔魏徵虞世
南褚亮及德言哀次經史百氏帝王所以興衰者上之
帝愛其書博而要曰使我稽古臨事不惑者卿等力也
德言賚賜尤渥然則書實成于德言之手故唐書曰于魏
徵虞世南褚亮傳皆不及也是編卷帙與唐志合宋

史藝文志即不著錄知其佚久矣此本乃日本人擺印前
有魏徵序惟闕第四第十二第二十三卷今觀所載
專主治要不事修辭凡有關於政術存乎勸戒者莫
不彙而輯之即所采各書并屬初唐善策與近刊多有
不同如晉書二卷尚為未修晉書以前十八家中之篇本又
桓譚新論崔實政要論仲長統日言袁準正書蔣濟
萬機論桓範政要論近多不傳亦藉此以存其梗概洵
初唐古籍也

同上

文館詞林四卷提要

唐許敬宗等奉敕撰敬宗字延族杭州新城人官至太
子少師咸亨初以特進致仕事蹟具唐書文苑傳宋宋
王溥唐會要云顯慶二年十月二日許敬宗修文館詞林一
千卷上之與唐書藝文志總集類卷帙合志又云崔元
暉注文館詞林第二十卷又雜傳類載文館詞林文人
傳一百卷宋史藝文志載文館詞林詩一卷崇文總
目載文館詞林彈事四卷皆全書中之一類是編亦僅
存六百六十二及六十四六十八九十五四卷皆漢魏以來之詔
令日本人用活字版擺印者會要又云垂拱二年二月十

四日新羅王金政明遣使請唐禮并雜文章令所司寫
吉凶要禮并予文館詞林內采其詞涉規戒者勒成五
十卷賜之是當時頒賜屬國之本原非足冊此雖斷簡
殘篇而詔令則皆其古且全書之體例亦可得其一斑矣
同上

臣軌二卷提要

唐武則天撰唐書藝文志及崇文總目鄭樵通志藝
文畧所載卷帙並同宋史不著錄案唐會要云長壽二
年三月則天自制臣軌兩卷今二見舉人習業信若子又

云中宗神龍二年二月二日赦文天下停習臣軌依前習老
子書分國體至忠字道公正臣諫誠實慎密廉潔
臣將利人凡十章是編著錄久佚此冊日本人用活字板
擺印卷末題重拱二年撰乃日本人妄增也 同上

樂書要錄三卷提要

唐武則天撰是編唐書藝文志著錄十卷宋志心印未見
闕佚久矣此日本人用活字版擺印僅存第五第六第七
三卷其中所引古籍如月令章句五經通義我三禮義我宗
信都芳刪注樂書禮藏及樂志皆世所罕覩未嘗有不

籍是以存其崖略至所列旋宮之法十二相生之圖尤足以備參考則天尚有崇宸禮要十卷當時與此并行今亦未見其書矣

同上

難經集注五卷提要

周秦越人撰越人即扁鵲事跡具史記本傳明王九思等集注九思字敬夫鄆縣人宏治十才子之一丙辰進士由庶吉士授檢討調吏部主事陞郎中坐劉瑾黨降壽州同知尋勒致仕事迹附明史李夢陽傳餘則未詳難經雖不見于漢藝文志而隋唐志已著錄凡十一章

編次為十三類理趣深遠非易了然九思因集吳呂廣唐楊元操宋了德用虞庶楊康侯各家之說彙為一書以便觀者案宋晁公武讀書志云德用以楊元操所演甚失大義因改正之經文隱奧者為圖以明之然則書中畧說殆德用所為是編日今人用活字版擺印呂楊各注今皆未見傳本亦藉此以存矣

研手經室外集卷三

兩京新記一卷提要

唐吉甫述撰原本五卷見宋史藝文志及程大昌雍錄明即璞七修類稿亦嘗及之朱彝尊尊書歐寧長安志後

云東西京記世無全書則彝尊所見已非完本矣此一卷
在原書為第三卷所載坊寺宅觀園祠於東西南北比次
頗詳日本人在佚存叢書中唐人著述現存者少
導西庫全書採錄莫休符桂林風土記之例為錄存之
室外

集卷一

秦軒易傳六卷提要

宋李中正撰中正字伯謙清源人案宋史藝文志不著錄
諸家書目亦未載其名是編日本人用活字板擺印凡言
易者非泥陰陽即拘象數此則專明人事于起伏消長

之機隨事示戒非空談者可及惜繫辭以下本闕卷首乾
卦九三以上及卷二之觀卦亦闕然宏綱巨指尚可推尋如解
否之匪人不利君子貞云不利作一讀而君子則無往而不貞也
于益卦六二云或益之小朋之龜弗克違天助之也天人兩助
而能永貞以盡臣節錄存其說以備讀易者之參考焉
室外集
卷二

仿鑄漢建初銅尺歌和翁覃溪先生

蘇齋寄我漢尺篇三尺分弃詩應聯
葉東卿志說仿鑄漢建初銅尺三枚以二尺
分贈蘓齋暨予
而自留其一
摩挲淨獲屈屢歎息此尺與我尤多緣

江都閔氏舊寶此鑑藏尚在吾生前此尺本在江都為吾鄉之物此一緣也

家鄉漢石竟手獲吉金豈不增惜憐予手獲西漢厲王昏冢石字于

甘泉山一從法物歸闕里較量禮器相後先憶昔再試

四氏學量才借尺曾兩年予兩至曲阜試士皆借此尺于行聖公府徽棘後還之此二緣也

自茲一別十七載壬申復由魯至燕壬申年予從闕里借漢尺至京師歸畢還

之闕里此三緣也蘓齋重見喜作考葉氏仿古鑄且鐫公初葉

阮各得其一日本銅質鎔精堅葉氏用日本銅仿鑄三尺予得其一此四緣也

我曾獲燬越南印模鑄漢尺分豪懸葉氏鑄用原尺

較一絲不爽符貨泉予於庚申年剿獲安南四總兵銅印於台州銷為一劍一尺其尺僅以漢尺

拓本仿鑄今以原尺較之弱一分有奇不及葉氏此鑄分豪不爽世間尚有晉前尺周漢尺

賴搨本傳晉尺亦為我所得復齋宋冊相駢連世間除此漢尺

外惟宋王復齋鐘鼎款識冊內有晉前尺搨本其尺銘載與周尺劉歆尺相同即沈冠雲據以著周官祿田考者此冊

今藏予齋中積古齋中列觀八商角周鼎及漢軹予以此五緣也

角周齊侯壘漢晉八軹唐貞觀塗土金銅碑宋王復齋鐘鼎款識宋允延之板文選高搨未前本華山廟漢碑及

仿鑄漢鼎尺銅貯積末列一觀漢鼎尺定陶仿鑄量與

權惟度量衡共二器周漢制度今兼全予得漢定陶恭王銅鼎置之焦山

仿鑄一鼎存之齋中漢人鑿所重斤兩所容升斗於鼎蓋器上再合此尺可得古度量衡之全此六緣也古今

度數無二理適於世用斯為便測量粟米叔捷法一尺

算遍船五千漕運總督盤糧之法舊用尺量船三乘四因始得米數予以今米一石積為六面立方形即命此一面為一尺初為新尺祇用再乘即得米數寒冬爐火小閣暖淮陰官舍如琅嬛詩成握尺天欲雲茶甌香雜沈檀烟研手經室四集詩卷九

督發南京水兵援朝鮮疏

題為倭奴兵船夜襲朝鮮該國水兵失守亟請添兵促餉以濟萬方分急用事職方清吏司案呈奉本部送准兵部咨該總督劉藻等處軍務兼理糧餉經略禦倭兵部尚書兼都察院右副都御史邢玘題稱倭勢猖獗內開南京兵部新募水兵亟借三千即以原

任本營坐營今陞興都留守黃冲霄量改參將統領星夜前來安家行月糧等項照浙兵事例行南京戶部查給徑自具奏補還開銷調未水兵仍令召補以充前數以備本地之需該兵部覆議應行南京兵部查議新募水兵果可那用一面的行督發一面的具奏等因題奉聖旨這所奏徵調各省直兵馬俱依議作速行欽此欽遵備咨到部送司卷查方曆二十年因倭警告急該先任本部尚書袁貞吉題議召募龍江水營兵二千五百名設坐營官一員以今任興都留守黃冲

霄充本營坐營統練冲霄陞任二十二年九月內該
兵部將南京大教場把總陳雲龍推補黃冲霄員
缺接管間奉送准前因隨該本部劄行提督備
倭都督汪弘器督同坐營陳雲龍整頓各官兵并
雜流人等見在二千二百八十員名查得該營沙唬等
船共九十三隻又正值五年大修之期咨會南京工部發
價併工修理及差官前去靖江等處僱覓沙船以
抵原題改造蒼船之數其安家行月糧等項俱行應
天巡撫衙門咨會照例酌議處給安家銀兩該本部

出辦者徑於草場租銀內動支一萬一千四百四十九兩
廩給行月糧銀應南京戶部出辦者咨行該部支取
二萬一千四百七兩二錢六分五釐除安家銀全給廩給行
月糧先給二個月該銀七千一百三十五兩七錢五分五釐
俱給散各官兵收領外其未給廩給行月糧四個月共
銀一萬四千二百七十一兩五錢一分差官解赴天津兵備
道發庫收貯以後聽督臣調發隨行所在該營造
冊呈請支給該營仍將領過安家并行月二糧細數
造冊一樣二本送司印鈐一存本部一送總督衙門以

備稽查凡一應器械除腰刀會同南京內外守備工部
及巡視科道等衙門於內庫支給其餘火器火藥盔甲
等項逐一處給備用為照該營兵船本為守護留
都而設原議出汛亦止在江海之交故其船皆輕捷便
于防江未必可以出海若由外洋而行正值西北風汛波濤
洶湧水程難期計自裡河運道以至天津從新河口入
海庶幾如期可至及查總督原題以見任興都留守黃
冲霄量改參將統領該兵部咨內外議明白作何調取
而本官遠在楚中恐往返耽延緩不及事暫令見任水

兵坐營陳雲龍督押兵船前進本部一面具奏兵部
徑自差人調取黃冲霄前來不妨沿途交代本部仍
移咨沿河督理河漕衙門嚴行有司差官催攢不許
停留務期星夜到彼以濟急用其潰下水兵員名缺本
部查照題議另行計處召募以備急緩案呈到部
該臣等看得倭奴猖獗自九月聞報以來日甚一日非獨
朝鮮外援當急即天津海口內備亦不可緩也臣等
仰遵明旨敢不即行調發第船隻始事修理忽陰雨
連綿及修理稍有次第又募船未到臣等日夜催督

齊簡擇于十月初二日會同南京內外守備司禮監太監刑隆劉朝用豐城侯李環安遠侯柳懋勳提督操江都察院右僉都御史陳薦巡視營務南京刑科給事中鄭明選貴州道監察御史馬嗣武將各官兵逐名點發起程外及查經略督臣原議令見任興都留守黃冲霄量改參將統領兵船祇因事勢甚迫一時調取不及再查陳雲龍歷任三年兵將相安又虞臨時易將途約束不便乃敢遵照咨題事理酌議上請伏乞勅下兵部再加查議如用黃冲霄兵部徑

行差人調取與陳雲龍交代黃冲霄遺下員缺即以陳雲龍預補亦似相應如用陳雲龍亦乞量改遊擊職銜以便前進行事仍令督臣查驗南京船隻果堪海戰與否如或不堪亦徑自別為議處悉聽兵部酌覆上請定奪施行庶兵船均有實用而應援不致耽誤矣

陽先生集卷七

周世選

海防十議疏

題為報獲倭船應嚴警戒備陳海防十議用圖戰守萬全以固根本重地事職方清吏司案呈奉本部送

據鎮守南直隸江南副總兵官朱文達劉河遊擊李
遇文宗明等處把總陳嘉謨等各呈報本年五月十三
日擒獲倭船一隻共獲倭奴三十四名并倭衣倭帽倭刀
倭書布疋等物俱解送兵備道譯審等因續據督理
蘓松常鎮糧儲水利帶管官兵備湖廣按察司副使韓
濟呈稱吊取通使譯審倭奴不吐真情中有一名失麻
哈兒口稱同船之人俱係琉球安南大趾小趾大佛郎機
小佛郎機等國合夥於萬曆十九年間投充閩白名下
今年五月初三日午時遣船四十二隻出洋在於中國地方

窺操探地里以便侵犯掠盜五月十二日一更時分被風飄散
沈溺數隻一隻飄至宗明被官兵擒獲等因各到部
送司及閩邸報該兵部尚書石星題為塘報倭情
事內稱閩白恣橫不就羈縻閉關絕款悉聽督
撫便宜召募專備緩急至沿海地方如山東淮揚應
天浙江福建廣東近又奉旨嚴勅况封疆畫守各
有專司一或疎虞軍法具在臣等再行申飭有應增
器具應增器具應更將領乘今汛期將過上緊議處
等因題奉欽依外看得封事之罷倭宜洩恨于朝鮮

而鄰震于遼東今倭船之獲乃稱窺探于延海而通
密于郊圻南京係根本重地而淮揚應天又為南京外
藩即使譯審倭奴言詞未委虛實而防禦事宜應為
議處所有淮揚應天海防要務呈乞酌議具題施行
案呈到部竊為淮揚應天皆南京吃緊藩籬也臣
等叨職邦政不止畫守疆今生擒倭船之報雖偶獲于
一時而外夷入犯之防當亟圖于今日謹條陳十議相應
題請伏乞勅下該部覆加查議恭候明旨行應天淮
揚巡撫等衙門亟為處備庶海防門戶鞏若金湯而

留都堂奧安如磐石矣謹題旨

一曰議戰兵照得近

報閩白狂逞動稱發兵數十萬即未必然而與昔年
事勢大不同矣昔猶零賊竊發今則大兵入寇也昔
猶倭主不知今則倭主所遣也當此時我兵須厚集其
勢乃克有濟今據江南副總兵朱文達開報所統沿海
沿江一帶兵數僅二萬餘江北副總兵沈思學所報且
不滿二萬以此分守信地計一處多者二三千人少者總三
四百人而止耳萬一倭奴數十艘忽至一處我兵禦之可
必勝乎臣等謂宜亟行各該撫鎮衙門查將兵士

見在者挑擇精壯虛名者查補行伍不足者行令召募
皆收本處耆民漁戶人等取其便利堪戰勿限以數仍
厚與募值練為遊兵數枝專備截殺則既可保障
鄉土得其戰守之助又因以禁絕姦宄塞其嚮導之門
此計之上也伏乞聖裁 一曰議將領照得三軍之命懸
于將帥而領兵分符務在得人將非其人則平時教練無
法臨事鼓舞無術欲其斬將搃旗而令鯨鯢授首也
難矣方今倭情已見春汛甫畢合行各該督鎮撫
按衙門除甄別見在將吏外仍查訪謀勇忠義將官

不拘世職行伍見任廢閑本鎮外省各選擇堪任者授
以相應職銜管領新募士卒照依名將紀律訓練精強
以收實效候有功勞不拘資格不次陞賞至于效一謀
出一奇知能技藝之士亦令收入幕下仍降空頭劄付給
與各該督撫使徑得授官委用試之而效仍不拘時
類題係世官者或陞級係白丁者或授職任其便宜
責其成功似與會舉邊才咨發各鎮者更得實濟伏
乞聖裁 一曰議糧餉照得兵行則糧隨此必然之
勢也不有以足食則何以足兵然皆仰藉于公帑之給

恐難以繼軍興之資合行各該撫按衙門查議該地方應增募兵若干即該增餉若干從宜會議或奏留或酌派或復協濟之規或廣設處之法勿泥故常勿避嫌疑蓋養兵原以保民非為私也要在當事者加意圖之耳伏乞聖裁 一曰議戰具照得海上攻戰全資器械苟器械不利是以卒與敵也大都防倭之具水戰則有福倉哨唬等項船隻與隨船應用諸器陸戰則有盔甲鎗刀弓箭等項器物與火攻砲石向亦稔然備矣第承平沿習能無虛數乎歲月

屢更能無損朽乎臨期圖之必致粗畧各且涉張皇應行該管衙門一一從實檢查修補其新募兵士亦宜添造器械合用工科查估題行庶使應敵有具而可收功于一舉也伏乞聖裁 一曰議哨探照得哨探乃兵之耳目也哨探必真斯先事有備今沿海官兵或出探外洋或偵視海港或會哨鄰境非不有其人有其法也但法久易弛人久易玩況海洋遼闊風汛倏忽實信叵測虛應良多近據崇明沙所獲倭船臣等訪聞沙民擒獲在先官兵擒獲在後故原來申文亦云據漁戶宋

良賢所報比時輪哨船兵何在也且十日一次公私報部並無警息習為舊套已該臣等另文查究矣合行各該撫鎮嚴行各官將會哨等項事務一一整飭着實舉行務選熟知海道水性之人遠出外洋分頭哨探遇有聲息星火傳報以便發兵禦剿如哨探先到使賊至失利此曲突徙薪之功若賊勢大則議陞職之賞賊勢小則議斬獲之賞本管官亦減等行賞若哨探後到以致地方失事大失則議斬首之罰小失則議割耳細打之罰本管官亦減等行罰庶人心知儆而海

防可固矣伏乞聖裁 一曰議防禦夫自國朝防倭以來遣將出師謀議非一先臣尚書楊博云平倭長策不欲鏖戰于海上直欲邀擊于海中斯禦之于海洋之說也至譚綸則云若陸戰一勝即可盡殲賊乃興懼不復犯我斯禦之以陸戰之說也總之二臣俱熟兵事各有攸當蓋昔者趙庸擊倭于南海陳璘敗倭于沙門島劉海破倭于望海埕皆海洋勝也戚繼光夜破倭于興化劉顯追擊倭于鎮江俞大猷屢收功于定海皆陸戰勝也今天下豈之若人哉闕白謀犯勢在大舉倘一時突至誓

必藏之于海中豈坐視其登陸合行各該撫鎮等官悉心料理嚴令申飭如倭船果至探報得實某處某哨某兵船邀擊于海洋不許容賊登岸以人船俱沒為功萬一登岸某處某哨某官兵擊殺于初至不許流突內地以水陸夾剿為功凡海洋登岸則責在水路防守官凡登岸內犯則責在陸路防守官俱臨時查勘失事大小以議守備不設之罪則防御亦既嚴賊徒授首而膚功立奏矣伏乞聖裁 一曰議城守夫海寇之來眾寡難料戰守異施賊勢寡則邀殺手擒斬利用戰賊勢衆

則堅壁清野利用守戰用兵將守需城堡矧閩白有攻城之說乎合行各該撫鎮衙門查將所屬一應城堡如郡邑則責成有司如墩堡則責成將領若何修補若何防守固不可張皇以擾民亦不可玩愒而忘備庶桑土預徹而外侮坐銷矣伏乞聖裁 一曰議策應夫倭并力而來我分兵而守無所不守則無所不寡所費彼此應援方可合少為多以全取勝今江南之吳淞江北之淮揚與夫三輔諸郡邑皆聯絡南都近地警報日達宜相機策應合行各該撫鎮同心共濟如兩鎮之中要見某處與

某處相近賊至某處則某當禦某當援如一鎮之中
要見某哨與某哨相近賊至某哨則某當禦某當援
賊攻一邑則本邑當禦鄰近當援賊攻一邑則本邑當
禦鄰邑當援賊攻一堡則本堡當禦鄰堡當援或發
銳師以搗其虛或設疑兵以分其勢或伏陷阱以伺其
或驅奇兵以襲其後法皆曰非信地而兵先至者有異賞
坐視鄰患而弗救者與同罰則賊未有腹背受敵之困
而我兵無唇亡齒寒之虞矣伏乞聖裁 一曰議責任
夫帷幄之臣主運籌封疆之臣主鎮守彼此職掌各

有司存不一申明人將怠忽而不思殫厥心力以防患未形
或致厯君父南顧之慮則將焉用彼臣為哉即如南都
堂奧也江口門戶也江南北沿海一帶藩籬也藩籬不固
守藩籬者任之門戶不固守門戶者任之堂奧不安守
堂奧者任之目今倭奴狂狡天或厭惡自促滅之姑無論
已萬一有如人言窺伺浙直若賊船由江南地方登岸江
南官兵不即截剿則江南文武封疆之臣罪何辭也其
在江北其在江口有封疆責任者罪亦如之或至流入都
城之外不即擒滅臣等之罪亦如之舉一事而他處可知

已伏^乞召皇上嚴發勅旨詔諭各該地方守土諸臣作速經理毋為燕雀處堂而泄然也伏乞聖裁 一曰議賞罰夫賞以示勸罰以示懲兵家所尚賞罰不明何以激勸人心捍大患而成大功也當此倭奴告警正宜懸示賞格傳播中外各鎮官兵人等能誅閔白者賞若干誅行長以下頭目者賞若干誅從倭與脅從者賞若干至于陸戰以衝鋒當先者為上功不計首級水戰以打沈人船者為上功不論斬獲反是而退縮失律者罪無赦又須賞不踰時罰不旋踵撫陣臨戎秉節鉞而專行焉

則士卒奮勵軍威振肅克敵制勝端在於此伏乞聖裁同上

條陳新舊諸營兵食八目以圖戰守疏

題為倭警未寧武備宜飭條陳新舊諸營兵食八目以圖戰守以固根本事職方清吏司安志呈奉本部送准兵部咨為倭奴假詐已彰當事玩愒如故伏乞聖明嚴加責成以圖万全事題覆兵科都給事中吳文梓等題前事兵部覆議內開移文南京兵部及督撫衙門所有整備海汛防範內地一切事體上緊料

理其間兵食之應議處將吏之應去留務在春汛以前
亟為處置等因奉聖旨是目今歲荒民困內患當防
不止備倭一事依擬行各該地方申飭區處毋得怠玩
欽此欽遵咨部送司案照近年倭奴寇陷朝鮮聲言
入犯內地南京一應募兵防禦事宜已經本部先後條議
舉行外尚有將領兵食諸務事關戰守應為申飭區
處者條列八事呈乞具題施行云衛陽先生
云集卷六

刻武經七書序

余自濫竽留莞以來日惴惴惟是張皇弗效為慙獨幸

踵前諸名公後百凡建置具有畫一可循而一時諸曹即
靡不奉職惟謹思且稍釋乎然竊有際於內附之虜
請封之倭叛服叵測而何物播酋至塵揔伐則兵固非
聖世所諱也爰手輯武經七書屬庫曹郎徐君夢麟
為笈其首註之穢不中六款者間以已意銓正之刻實南
都武學中帙成因展卷而嘆曰文武之設雖較若兩途迺
其相維則經之與緯也其不可相無則輔車也而今之學士
家多羞言武者蓋藉口於服上刑云不知子輿氏特為
當時民殘於戰殘於術者而發偏辭也不則何以大

勇進齊宣而曰今王亦一怒而安天下之民惟恐王之不好
勇也今國家四海一尊誠無所事於陰道然幸虜終也欠
倭即悔禍請封播酋當不至久稽天誅耳有如虜且生
心倭即受封復蹂躪我屬國則祖旅當過已酋負固不
下則衡行足耻已此而猶曰天子之鐘鼓安與式靈之亦何
賴焉余竊妄意敵在前而寄耳目於旗鼓與將在軍
而取進止於廟堂者皆敗徵也何也不習故也不習則不任
不任則不虞敵而虞法而敵思乘之矣顧其原則始於
學士家羞言武而其所以羞言武則扭於承平無事

彼誠謂無所用之也藉令一旦有事乃以素不習兵者與
敵人爭呼吸之命噫亦危矣哉然則是書也與其以無所
用而不習無寧習之而不用謂用則習無及也如曰習者
未必能用是必試之於戰而後可戰可嘗試乎哉書故者
孫吳次司馬法唐太宗李衛公問答又次尉繚子而以三略
六韜終焉蓋深於兵者也而近且有更置之者豈以太公
諸家猶有古道德風乎是又為羞言武者解嘲也如

曰兵孫吳尚已

衛陽先生
集卷九

一議天津

蓋天津舊水鄉耳我文皇帝靖難北還經其地因設
置軍衛以鎮塞海口控制倭奴其神謀雄斷實出千古
矣迺邇年自倭變以來說者謂東望海口倭可一帆至
則驚震宸居為家門之既宜以重兵彈壓之遂開
府建牙召兵集餉大修戰艦所費不貲竟成画餅矣
幸而酋長物故群醜宵遁兵解餉銷海內得息肩焉
然猶慮島夷之再逞而鯤然為綢繆之計不知天津
堂奧也海上藩籬也不固其藩籬而徒守其堂奧何
益惟宜于山東之文登遼東之旅順廣置哨船交會

巡哨晝夜如織一遇倭警即調遣官兵水陸夾剿則
倭必不敢揚帆西向而天津且安枕無慮矣此曲突徙薪
之謀也

衛陽先生集卷八
四鎮議之一

乞宥言官疏

奏為言官被擯人衆國體非宜懇乞聖明俯賜矜宥以
光聖德以隆至治事臣等侍罪南都備員卿位竊見皇
上臨御以來信任大臣慎重言路臣等頌戴不暇何敢復
置一喙近見邸報吏部接出聖諭近來兩京科道官
專徇已私附和結黨以抗違君命要直沽名為事每

以無指實之事興疑惑衆無上亂政且如昨者兵部欺
君嚮爵朋奸納^結籍口無言其於糾奸發邪耳目之
責何在全失職守好生可惡本都當重治爾該部查
兩京六科都給事中及十三道掌道御史姑且各降
三級調外任不許朦朧推陞其餘的姑且罰俸一年
還開寫職名來看吏部知道欽此續又接郵報
吏部為遵奉聖旨事奉聖旨有勾了的照昨旨降
調用不許朦朧推陞其餘着遵旨罰俸策勵供職
欽此臣等相顧驚愕則知皇上諭本兵以持廉秉公之

義責科道以發奸糾邪之忠其在聖心必有真知而獨
斷者豈臣等愚昧所能測識第揆之政體質之輿
情容有未盡協者臣等安敢持祿而不為皇上一言之
夫軍政考選主其事者尚書石星也稽其弊者兵科
吳文梓等也此非事有職掌業有專責者乎臣等僻
在遐方其于彼中事體雖未周知但據石星生平忠誠
節義昭々在人近者皇上信任星于群言攻擊之日臣
等謂知星之深者莫皇上若也星受皇上眷顧之隆方圖
捐糜報効不遑詎肯以軍政一事受賄行私上負君恩

下棄生平即病狂喪心恐未必至此至於言官論事不患其不言患其言之無當使科道不察受賄實跡而遽以風聞意度形之論列咎將誰執故臣等謂科道之不言意者徐察而徐圖之未可知也不然封倭之議科道曾百口以攻星何獨于齟齬一事而曲庇之此其故可類推矣若南京科道去京師二千里而遙于聞見為最後即兵部考選之疏南中尚未見報而擯斥之旨倏下矣諸臣且不及知又何望于及言臣等以為科道諸臣情有可原而南京科道尤有可原者藉謂諸臣罪不

可辭皇上躬摘一職掌者懲之朝野已不勝悚惶矣柰何雷霆所震無不摧靡使南北臺省幾于空署耶昔人云觀人之國者先觀其君子視君子衆多如林則知其國之盛今之降謫諸臣皆皇上所謂君子而選之在臺省者今以一事而擯斥者將三十人臣等不足為諸臣一官惜而深以有闕于世道升降之機為可畏也古稱臺諫為朝廷耳目臺諫隆則朝廷尊今一旦摧折而消沮其氣皇上將廣寄耳目於誰乎將朝廷之體統亦甚繫矣以皇上日月之明何所不照以皇上天地之量何所不容倘以臣

等之言為不謬得降謫科道簿四訓還職則一切臣工既
畏照鑒之明又感包容之量所不更相勸勉盡忠之事
者非夫也臣等為國家大體義不容默故敢仰干宸
嚴實非有所阿附伏惟聖明重察臣等不勝悚懼祈
顙之至

衛陽先生
集卷七

重刻紀效新書序

余既刻武經七書成視篋中所携有紀效新書一帙徐君
夢麟復請而刻之是書余理昆陵時所獲蓋善本也彼
歲被命總環衛間以示諸營帥亦頗採其意為訓誡一時

稱就約束今者奉爾書治兵留都留都豐鎬重地北浮
江而東漸于海襟越帶閩島夷時出沒為患威將軍蓋
嘗一再大創之所稱紀效是也治南兵禦南寇計無出此
矣夫兵以虛用而寄於實者何也按地形習器械練卒
伍精技擊兵家所謂形也語有之多博古不如通於今是
書蓋通今者欤自東伍至練將其精極於要眇而下至瑣
猥而不厭斯可謂悉兵家之情形者也入三家之市使妄意
室中之藏則狼顧而失措何則形未審也天之高星辰之遠
瞬而望之安坐而策之若固知者有所以致之矣用兵

大事也居恒不改究其說而根云變化之妙存乎一心若
陋讀父書之為者顧安所得變化乎古今讀書變化
莫備於易之云擬之而後言議之而後動擬議以成其變
化嗚呼是深於兵者也

衛陽先生

集卷九

整飭營務疏

題為邊報可虞國威宜振及時整飭營務以裨安攘
實用事方今西有叛賊勾連黠虜尚未擒滅東有倭寇
攻破朝鮮頗聞猖獗正四郊多事之秋為主憂臣辱之
日臣以庸朽媿無能獻一策効一力以報皇上拔擢之恩

乃不蒙斥譴且以京營重務命臣協理臣自受事以來
日夜籌度京營有居重取輕之勢人臣貴安內攘外
之圖必營務整棚而國威丕振斯皇靈震疊而外患
潛消臣見近日京營較之數年前臣為科官巡視時有
大可觀軍無虛日月將能奮發有敢于赴鬪之氣有多
中銀牌之能昨因警報兵工二部悉心查給器械火砲
等件似已堪為攻守之具矣第軍數固充未必皆可用
之夫將官雖簡未必皆通用之材操法尤當更定下情
亦宜體恤置器有應給費用造車有未盡事宜此在

平時尚應熟講矧今用武之際乎該臣會同總督京營
臨淮侯李言恭起今開操在邇一查行副參等官
會議應行事件擇其緊要切實者開款上請如蒙乞
勅兵部作速議覆行臣等遵照施行庶營政修明
軍聲震懾國家之神氣允肅而安攘之實效可臻
矣一嚴挑選以振行伍照得治軍之法惟選與練欲
練不選則勇怯雜處強弱相參怯弱之人不惟無益于
用且為強勇之累故挑選官軍不可不急合無於開
操之際先將三大營各中軍千把總有堪領戰車而

而見任城備者有止堪城備而見任戰車者容臣等
會同巡視科道官郭士吉等逐一從公遴選更換務
在因材器使而各盡所長仍併行各該營將領將本營
隨伍軍人嚴加選擇汰其老弱或祖或召募有丁者責
令告替無丁祖軍退發備兵召募者另募壯丁補伍其
選鋒內有年衰而勇力不加或年壯而技藝生疎者一
體退發軍伍昂將本營單糧選鋒選取五名呈送
試驗如果年力技藝俱優者照名頂補若補單糧選
鋒名缺其試驗亦如之至于戰兵車兵之人取于城守城

守之人取于備兵各拔最優者充補各將領中有徇私不行用心揀選者聽臣等指名重加參治庶挑選之中寓激勵之意將見勇敢彙集精彩自信又何外侮之不可禦哉伏乞聖裁 一議留操以精技藝照得京營操法寅時進營辰時散操此舊規也今當有事之秋豈可盡拘常調况操演止于移時教練未必精細欲一旦驟更得之過難則又于人情不便合無自開操之日為始每日臣等抽籤調閱者不計仍行各該營將領除照常散操外各留一司或較馬步射藝或演刀鎗

短兵或放大小火炮其中把合武者量行給賞以恤其勞生疎不堪者另加懲治以警其惰操至未時聽落號帶方行解散倘各軍士中有愚頑不遵約束者該營將官呈解軍門聽臣等以軍法從事計可入操二次各營各司遍練一番庶操遊之時既久技藝之習自精一日之專工可抵數日之泛練良法無踰此者伏乞聖裁 一立教師以便操演照得京營軍士舊習器械止于弓箭刀鎗大小砲等件近以倭奴警報因倣浙兵所用行令各該將領每營各造長鎗二百杆狼筈一百杆俱

已報完但舊無精于運使之入孰為教練師範查得
薊鎮守臺浙兵慣用鎗筦合無 一諭令兵部移
文彼中督鎮擇取能教前項器械南兵三十名令其作
速洛送前來以憑分發各營教演如古以一教十教百
教千教百之法而行之每日聽臣等量加犒予俟其
有成再加優犒彼中勿扣其月糧事完發回照舊防
守庶鎗筦不致徒設而可為刺擊島夷之利器矣
伏乞聖裁 云 衛陽先生 云 集六

贈水師諸將士

憶昔琅嬛館談兵每夜分船橫赤馬隊人練水犀軍花
擁鴛鴦陣 咸南塘有 烽消蛺蝶群 倭能演胡蝶陣
伏波誰第一祗有李摩雲 謂李 陳文述 頤道堂
軍門 詩選卷八

銅船行

銅山既已崩銅官亦久廢滇銅遠自昆明來洋銅更越
滄溟至日本之國薩摩洲長崎小島如蜂蟬何年中外
通互市滄波泛此萬斛舟中華草木皆仙材雲帆浩
蕩乘風回東海布帛西綸組遠與赤堇同西未居不
見伏波交趾立銅柱諸葛南征鑄銅鼓金張門第立

銅龍衛霍兵符佩銅虎銅仙辭漢泣秋風銅鞮夢
梁濕春雨典午銅駝洛陽陌當塗銅雀漳河渚銅兮
吾欲鑄爾為劍佩長纓銘鋒不及純鉤精吾欲鑄爾
為印署姓名封侯無命悲填膺不如還與付鑪鞴鑄
出開元太平字買盡人間不平事

頤道堂詩
選卷一

查樂園舅氏婦自日本聽話長崎島之勝

一角長崎島東溟國上游碧簫羸女至銅鼓漢槎留
海市魚龍夜家書雁鷺秋遙知唐館月望遠獨登
樓

同上

寶山是明永樂中平江伯陳瑄所築

寶山高三百尺誰其築者平江伯畫懸軍旆表江城夜點
神燈招海舶燕師南下內難平黃袍灰燼無蹤蹟已駕
鑾輿奠北京更遣樓船徧西極從此倭夷貢市通奸
民構禍勞兵革東南瘡痍數千載良將艱難賴俞
戚赤嵌島嶼踞飛黃平壤烽煙阻閔白豈知開國有
厲禁不許帆檣逐潮汐本朝威德被海外日本市銅歲
千百中原回易付商賈長崎宴享勞賓客即如此地
古吳淞瀛海環南浦橫北遼瀋豆麥閩粵餉往來不

斷雲帆黑兩鎮礮臺互控制列戍吹竽細音鳴鏑殘
叱一篲尚隆然往々兒童拾殘壁夕陽曠網有漁舟
西風颯々吹蘆荻

頤道堂詩
選卷九

終

